

دوره پنجم صافی


پنجمی سنه

دار الفنون

الهیات و فلسفه و تاریخ و ادبیات و فقه و حقوق و علوم و فنون

تاریخی، اجتماعی، دینی، فلسفی

تشریح نانی - ۱۹۲۶



شهرزاده باشی - اوقاف مطبعه سی

۱۹۲۶

اقوام اسلامیه اتنوگرافیسی تدقیقاندن

ایلمنی فصل

عربلر

اشعاب عربی

موضوعمیزك بوندن اولمکی السیات مجموعہ سنده نشر ایدلمش بولونان مدخلنك (آنولوژی) بختنده عربلر ك تفسیاتی حقیقده ایضاحات ویرلدیکی صیره ده قفقاسی دینیلن بشریت كو كینك جنوبی قولیندن اشكالجه بربریه خیلی متباین دالدر اشعاب ایتدیگی ذكر اولونمشیدی . عربلی طیبیونك (حامیتیق) و (سه میتیق) دییه توسیم ایتدكاری دالدرن (سه میتیق) یعنی سامیه دن بقا بولان طاقملری باشلیجه یهودیلرله عربلر ك تشکیل ایله دكاری علاوه مقال اولونمشیدی . سامیه دالینك اك بویوك قسمی اولان (عرب) قومی ینه سامیه دن صاییلان اوفاق شعبه لری کنديسه جاذب اولمش و حتی برچوق یرلرده اکثریت اوزره کندي عضویت قومیه سنه قابل مزج برحاله کتورمشدر. سریانی وکلدانی کبی اوفاق سامیه دالدرینه منسوب اولان وبالآخره نصرانیت کنديسای نفوذی آلتنده قالان طائفه لر لسان عربك قوه جاذبه سیله همان همان احزاب مستعربه شکلنه کیرمشلدر .

تقسیم قومی

اصل عربلر کندی ناملرینه نسبتله یاد ایدیلن شبه جزیره نك اکثر جهاتی اسکیدن بری اشغال ایده گلشلدرده دور اسلامیتك کشادنن صوکره کان عرب مورخلری کندی قوملرینی باشلیجه ایکی حزبه آیرمشلدرده . «عرب العربیا» دینیلن اسکی حزب جنوبی که ینیلرلی احتوا ایدردی. بونلر قحطانی شعبه سی اوله رق تلقی ایدلمشلدرده. حزب شمالی یه ده [*] سه میتیق و یاسامیه تعبیری مدخلده کچن (آریه ن) سوزیه مقایسه ایدلمک مناسبدر. (آریه ن) تعبیری معین و مثبت احزاب قومیه دن زیاده برسلسله السنیه علم اوله رق استعمال ایدیلور. حال بوکه (سه میتیق) لفظی معین اولان و بر قسمی ده اونام آلتنده جهانده عرض موجودیت ایدوب طوران قوملره اطلاق ایدلدیکی کبی برسلسله السنیه دن دخی مشدردر .

« عرب المستعربه » اسغنی ویزلمشدر . جنوبی عربستانک اهالی اصلیه سندن حمیریلر اخلافه بز جوق آثار مدنیه براقشلمشدر . بونلرک کندیلرینه مخصوص حرفلری بولونیوردی که نه بوطاڤه ونه ده آنک حرفلری اصلاً آفریقادن کلمه مش و فقط سامیه اصلیتندن نشئت ایلمشدی . واقعا عربستانک جنوب غربی سواحلی ایله بحر احمرک آکا قارشلی طرفلرینه دوشن سواحلی آرهنده اسکیدن بری متقابلاً جولان طوائف وقوع بولوردی . پک اسکی زمانلرده شمال طرفلیه آفریقادن آسیایه کچن و حامیه قولینه منسوب اولان برطاڤه جنوب طرفلرینه و حتی عمان حوالیسنه طوغری شد رحل مهاجرت ایتمشدی که عربستانک مدینت قدیمه سنه خدمت ایتمدیکی بعض آثار عتیقه دن استدلال اولونان بوطاڤه - (که قاشیت دییه مؤلفین غربیه طرفندن ذکر اولونور) - انجیلک عهد عتیقه ده بوطاڤه یه « قش » عنوانی ایله اشارت ایلمشدر . بونلر عربک اصلیتنه هیچ بروجمله اجرای تأثیر ایلمه مدکر ندن باشقه کندیلری تعرب ایلمه رک اصلیتلری غائب اولمشدر .

حمیریلرک بر قسمی ده یته ازمان عتیقه ده آفریقایه کچرک حبشستانه قرار قیلمشیدی . او مملکتیه بونلرک بقایاسندن بعض معین و غیر مختلط قافلر بولونوب بولونمه دینی مشکوک بر مسئله عرقیه در [۱] . عربستانه قالان حمیری طاقی ایسه سامیه نک دیکر بعض حزبلری

[۱] بحر احمرک بالاده مذکور ایلی ساحلی آرهنده مهاجرت جریانلری دور اسلامیتک کشادنن سوکره دخی وقوع بولوب کیتمشدی . صدر اسلامه کی مهاجرتک الک مشهوری - صناید قریشک تدبیرندن قاجرق حبشستانه کیدن - حزب مسلمینک التجاسیدر . پروفه سور آرئولک لسانزمه (انتشار اسلام تاریخی) عنوانی آلتده طرف عاجزانه مدن ترجمه ای دین کتابنده مندرج و حبش نجاشیسه خطاب ای دین الجانامه سی شویوله در :

« ای حضرت ملک ! بز ظلمت جهله مستغرق ای دک ، اصنامه عبادت ای دیوردق ، لاشه ییوردق ، یچه شناختلر ارتکاب ای دیوردق ، رابطه قرابتی احلاله بولونیوردق ، قومشولرمزه سؤ معامله ای در دک ، آرمزده قوی اولانلر ضعیف اولانلری یومق ایستردی . عاقبت جناب حق کندی آرمزدن بزه بر رسول ویردی . آنک طوغریلغنی ، شایان اعتماد اولدیغنی ، حیانتک پاککنی بیله بکمز قدرنسائی واصلتیه بیلیوروز . او بزی آتالمرک تبعد ایتمکری نضامی ترکه والله واحده عبادت ایتمکه دعوت ایله دی . سوزلرمزه طوغری وعدلرمزه صادق ، اویتمزه شفیق ، قومشولرمزه لطفکار اولغنی و جنابتدن ، خونریز لکدن توق ایتمکی بزه امر ایله دی . یتیم حق ییمکن ، عفت نسوانی هتک ایتمکدن بزی نسی ایله دی . یالکن الله تعالی به عبادتی ، صدقه و ذکات اعطائی بزه امر ایتمدی . بز کندیسنه اینانق و جناب حق طرفندن آکا وحی صورتیه اولان تبشیرانه اتباع ایتمک . لکن وطنداشلمز علیهمزده قیام ایلدیلر و دین فطری بزی بر اقوب بترستکه و حیات سابقه نک شناختنه رجوعه اجبار ایچون بزه تدبیرانه بولوبدیلر . بویه جه ظالمانه معامله له و آلم صیقیتیلره بزی دوچار ایتملری اوزرینه بزه قاچوب مملکتکنزه التجا ایله دک ... الخ »

کبی کیت کیده عربک بویوک عضو معنویسنه ملحق اولمش ولسان عربک نفوذ تسخیریسی ایله مزج و باع ایدلمش و مرورازمان ایله نابود اولمشدر. بو کون اولدینی کبی تاریخک قیدایتدیکی اواسکی ادوار قدیمده دخی «عرب» لفظیله مراد ایتدیکمز کتله سامیه افرادی - کندی نامنه اضافت ایدیلن - معظم شبه جزیره خلقی کلیت اوزره تشکیل ایتشیدی .

وهیت قومیه استقراری

عرب الکاکنده اساساً موجود اولان عربقی برمزج و بلع قوتی صوکره لری اسلامیتک ظهوری اوزرینه داها قطعی بر صورتده آرتمشدر . واقعا داها اسکي زمانلرده دخی جزیره العرب سکنه سی آردسنده - قبیله ، طائفه ، اتباع کبی خلق تصدقاتی مستتا اولق اوزره - بره موصلق حالی مشهود بولنیوردی . مع مافیہ بومقارنت و مشابہت اوصافه رغماً جزیره العربیده کی مختلف ناس کتله لری آردسنده حرکات متشارکه یه استعداد کوستریله مہمہ سی - وحقی زمانعزده بیله لایقیله کوستریله مہمہ سی - شایان دقت احوالندرز . تعیین اصلیت مسئله سنده عربلرجه اک زیاده مرعی اولان شی «عرقیت» دکل «نسب» درکه آنلر بوکا زمان قدیمدهن بری اہتمام کوستہرہ کلشدر . لکن بو اہتمامه رغماً اصلیت انسابیہ مسئله سی بر مظالمیت ایچنده قالب کیتمشدر . ذاتاً او باده احتجاجه صالح اوله بیله جک قصص و مدعیات آنجق اسلامیتک ظهورندن صوکره لسان روایاندن صحیفه سجلا نه لایقیله کچورلمک باشلامش اولدیغندن زمان جاهلیتک تعیین نسب و نسل حقنہ کی عنعناتی علمک شہادت مثبتہ سنہ پکده مستند دکلدر . قصص مرویہ دن آ کلاشیلہ بیلدیکنه کوره ابراهیم (ع.م.) دن بر طرفه اسماعیل دیگر طرفه قحطانی طاقی آیرلمش وقحطانی قولینہ اهل قبلی آدی طاقلمش ؛ بده یمن ایللارنده طاغیلہرق برخیل انشعابات متعاقبه یه اوضرامشدر . اسماعیل قولیندن «اهل شمال» دییه ذکر ایدیلن معادید طاقی اورومش و بوندن چیقان قبائل کیت کیده بر جوق شعبه لرہ آیرلمش و بو شعبه لرک برندن عاقبت - الہام قدسی ایله کندیسنہ نشر اسلامیت مقدر اولان - پیغمبرذیشانک منسوب بولوندینی قریش میدانہ کلشدرہ

مفراتی وضعیت

عربک هویت قومیه سنندن بحث ایدلیکی صیرہ ده آنک ساکن اولدینی خطہ نک وضعیتی بر کره شویله قیصه جه ملاحظه ایتک مناسبدر :

عربستان دینیه یاد ایتدیکمز الکانک وضعیتی نصلدر وحدودی نهدر ؟
شرق قریبک وبالخاصه بلاد عربیه نك ایشلریله مشغول بولونان انکلیز مأمورلرینک
استفاده لری ایچون انکلیز بحری وبری ارکان حربیه لری طرفندن جمع وتلفیق ایتدیریلوبده
عمومی حربک ختامندن بر مدت صوکره محرمیتی ازاله ایدیلن مهم بر ائرده - که عنوانی
« عربستان ایچون رهبر کتابی » در - جزیره العربک جغرافی وضعیتی حقتنده شو بیاناته
تصادف ایدیلور :

« عقبه کورفزینک شمال جهتندن شط العربک باشلرینه طوغری بر چیز کی چکیسه
جنوب طرفنده قالان قسمندن آشاغیسنه « عربستان » دیمک داها مناسب اولور . بوخط
مفروضک آشاغی طرفنده کآن ومربع اووجلری حاوی شبه جزیره « جزیره العرب »
آدی ویریلور . بوراسی یدی یوزمیل قدر عرضه و بیك ایکی یوز میل قدر طوله مالکدر [۱].
بوخطه نك احتوا ایتدیکی ساحه ارضیه آسیا قطعه سنک دیگر بویوک بر شیشه جزیره سی
حکمنده اولان هندستانک مساحه سنندن بکده آشاغی دکادر . کثرت نفوسجه وضعیت
قومیه جهتیله اهم اولان حوالی پی - غرب طرفندن بحر احمر سواحلی بونجه امتداد ایدن
یرلر وجنوبده بحر محیط کبیره التصاق ایدن بلاد ساحلیه وشرق جهتندن بصره کورفزی
حوالیسی - تشکیل ایدرلر . عربستان ارماغی یوق ، چولی چوق برخطه در . اورانک
خلق جوش و خروش ایله آقان صولری آتجق شدتلی یاغمورلر یاغدینی زمان بعض وادیلرده
کوره بیلورلر . حجاز خطه سننده کی وجنوب هر بیده کی وحق یمنده کی ارتقاعلی طاعلردن
بیله دکنه قدر آقوب کیدن بر جای یوقدر . داخلک پک کنیش بر ساحه سفی - شمالدن
نفض [۲] و آشاغیدن جنوب غربی به طوغری رباع الحالی دینیلن وقوم طالع لری یابان
چوللر اشغال ایدرلر . اک چوق صو بولونه بیلن یرلر و واحلر عمانک ، یمک ، حجازک
یوکسکجه اولان حوالیسی ایله نجد طرفلرنده کائندرلر . »

جغرافی تقسیمات حقتنده تفصیلاته کیریشمک بوبخنده مطلوب اولماقله برابر بوخطه نك
اشکال اجزاسنه دائر - خریطه قومیه پی ملاحظه مناسبتیه - بیانات آتیه ده بولونمغه لزوم
واردر : جزیره العربی شمالی ، مرکزی ، جنوبی دینیه اوچه بولرلر . بونلردن برنجیسی
سوره اراضی سنک کنارلرینه قدر امتداد ایدن دیار اولوب چوللری حاویدر واهالیسی

[۱] برانکلیز میلی ۱۶۰۹ متره قدر طوتار . بوحسابجه مثلا بش میل سکز کیلومترو قدر

برشی طوتار . بحری میل ایسه ۱۸۵۸ وکسور مترو طوتار .

[۲] نافود کی تلفظ اولونور .

یا تمامیه کوچه به حیاتی کچورر و یا آرزوق حال بدویت اوزره بولونور. ایکنجیسی یعنی مرکزی عربستان، حجاز و نجد کی اکثریتله طاشاق و قایالق لرلی حاویدر. او چونجیسی عسیری و ینک یوکسک حوالیسی ایله حضرموت و عمان جهتلرینی احتوا ایلر .

مهاجرت حرکتلری

عرب قومنک بویوک بر قسیمی اسکی اعصار دن بری - حتی زمانم زده بیله - کوچه به حالنده یاشامقددر. عربستانک تصبه لرنده او طوران اهلیده بیله چوق کره بدویت حیاتی او صاقنک علائمی مشاهد اولور. طبیعتک عربستان خلقنه انعام انباتیه سنی جو صردنک ایله و یرمه مه سندن طولایی جزیره العربک بر چوق لرلرندن - عائله، طائفه، قبیله حالنده کی - انسان آقینلری خار جده جهت جهت قسمت آرافه کیمشیر - تعبیر صحیحیله - خارجه طوغری مهاجرت ایده کیشلردی. بوناس کتله لرینک داهانم مکانلر بولوق امنیه سیله صاعه وصوله طوغری شد مراحل اتمه سی قبل الاسلام چوق واقع اولوردی . بو حال ظهور اسلامیتدن سو کره لرلی دخی واقع اوله بکدی ایسه ده زمان جاهلیتک مهاجرتلری صرف جسمانی و مادی سائفه لر دن ایله ری کلش اولدینی حالده بعد الاسلام وقوعه کلش اولان او کی جماعت جوش و خروش لرینه بویوک برسائفه معنویه انضمام ایتشدی . بو فوران روحانینک موجب اولدینی حادثات، نبی بشر دن بویوک بر قسمک مقدراتنده نهایتسز تحوللری موجب اولدی . لکن عرب دیاری داخلنده حیات عمومی شو صوک زمانلره قدر اسکی حالی اوزره بقا بوله کلدی. مع هذا بونجه عصر لر دن بری جاری اولان اشکال حیاتیته نیک بوترقی سریع عصر نده ، بو جهان شمول هیجان فعالیت دورنده آرتق اوزون مدت باقی قاله سی محال کیدر. شیمدیکی انتباه انسانی، جزیره العرب واحه لر نده بیله جاری اولسه کر کدر [۱] بناءً علیه یالکیز جزیره العربده کی خلق آره سسنده دکل بوتون عالم عربده و عربجه تکلم ایدن مملکتلر انسانلری ییننده عصرک سریع و سهیل تماسلرینک یاردیملریله یکی بروحدت مفکوره تحصیل ، یکی بر جوش و خروش ظهوری بکده مستبعد کورینن تخمیناندن دکلدر .

عربستانک چوق یرده قوری اولان اقلیمنک هوا سیله یاشایان بشر افرادی صحت نامه

[۱] اووجی بو جانجی بولونه مایان قوری چولاردن دمیر بولاری هنوز کجه بورلر سه ده کجه چکاری زمان پک اوزاق بر آتیده دکلدر. صحرا لک بعض جهاتنده قوملره مخصوص اوله رق یاییلان اوتوموبیلر ایوم ایشله مکده درلر . اوزون چولار اوزرندن طیاره لر کجه کده و بونلره اوتوموبیلرک معمورلرده کی مرکز لر آره سسنده تلر تلغراف مخبراتی وقوعه کلکده در .

اوزره بولونورلر. اورلرده - یا ضامغه آنجق اک بویوک استعدادی بولونان - تولدات یا سایه بیلور. اقلیم یابس، کثرت تناسله خادم اولمشدر. آرتان نفوسی طوبراغک قیصرلنی اعاشه ایچون مانع طبیعی کسیدیکندن عربلر حدود قومیه بی اوتهدن بری آسمغه میل کوسته ره ککشلردی. عصیلکبری زیاده جه اولان عربلر اساساً جوشقون روحلی اولدقلرندن باشقه اسلامیتک ظهورندن صوکره اک زیاده یکی دیانتک نفوذ توحیدیه سی ولسانلرینک خاصه جاذبه داریبی سایه سنده عربلنی عربستاندن اوزاق بولونان لرله تشمیل و بناءً علیه اصلاً عرب اولمایان حتی سامیه عرقنه بیله منسوب بولونمایان برنجیه افراد بشری مستغرب صفتنه صوقشلردی. [۱]

زمانه جاهلیتیه ترقی

مسلمان عربلرک هویت قومیه لر ی حقتنده بر فکر حاصل ایتکه چالیشدیغمز صیره ده زمان جاهلیتیه کی عربک ماهیت و درجه مدنیقی مناسبیله بعض تحقیقاتده بولونمق لغمز لازم کور :

عربلرک زمان جاهلیتیه کی آنوغرافیلری مناسبیله وقوع بولان تحقیقاتمزه بعض فرنک آتارنده پک عجیب مدعیانه راست کلدک . بومقوله مدعیانک قائلری اولان غربلی محررلر شرقیلره دائر اولان حکملرنده یا اغراض متعصبانه یه قایللمشلر و یا محاکمه فیلسوفانه یه رعایت ایتیه ره حکملرینی ویرمشلردر . شایان تأسف احوالندر که بوقیلدن اولان مدعیات افرنجیه بی کوته بینانه صورتده تلقی بالقبول ایدن وطنداشلمز ا کسیک دکلدردر . شرقیلره و علی الخصوص شرقیلرک مسلمان قسمنه متعلق بیاناتده بولونان غربلیلردن برچوقلری یا نصرانیت کینیساسی اربابی ایله یارانی طرفلرندن ترغیب اولونمشلردر و یا شرقده انفاذ ایدیلن غرب امپریالیزمی تحکمی علم نامی آلتنده اسلوبلیجه تزویج ایدن مؤرخ ، مستشرق ، آثارعقیقه متخصصی کبی بعض کیمسه لر جانبدن مذکور بیانات میدان انتشاره آتیلمشدر [۲] اومثللو بیاناتی اورته یه سورن کیمسه لر آره سنده قبل الاسلامیه

[۱] عباسیلر آره سنده اصلاً ایرانیان صاییلان افرادک زیاده جه مزج اولوب کیتمه سندن طولای عباسی عربلری داها آغیر قائلی ، داها تمکینلی بولونورلردی . حال بوکه داها صاف صورتده عرب قاننه مالک بولومش اولان امویلر آنلردن اوصاف عرقیه جه خیلی فرقلی ایدیلر . امویلر معتدل دکلدردی ، حشونت هیجانه مالک ایدیلر .

[۲] بوکی کیمسه لر یالکز آنکیز محررلری آره سنده کوروله مشدر . انکتره یه دالقا ووقلای ایدن ویا انکتره نک شرقده کی امپریالیزم مسلکته امتثال ایچون او طریق غرضکارانه بی التزام ایدن

عربلر آره سنده - اسلامیت دورندن سوکره مثل کورلمه مشن - فیوضات مدینه آناری کشف ایدنلر بولونور . بوذاتلر عبرانی و سریانی نسانلرنده واسکی عربجه ده محرر اوله رق کوردکلری بعض پارچه لردن و اوتده بروده قیریق دوکوک حالدرده بولونان - وبعض کلماتی هیچده طوغریجه خل ایدیه مه مش اولان - کتابه لردن اسکی موجودات مدینه و فیوضات علمیه آناری چیقارلر . انکلیزجه بویوک (آنسیقلوبه دی) ده اسلام عالمه دائر یازیلان مواد و مقالانک بعضیسی بوذهنیده کی ارباب علم و قلم طرفندن اصدار ایدلمشدره . بوکی محررلردن بریسی اهل اسلامک ایجاد کرده سی اولدیغنی سویله دیکی « زمان جاهلیت » تعبیریه استهزا قصدیه دیرکه :

« حقیقت حالده عرب عالمی - مسلمانلرک مظلم صورتده تصویر ایتدکلری - اوزمانلرک منزل تعالیسنه سوکره لری هیچ بروقت واصل اوله ناماشلردر . »

بوادعایه جواب اولق اوزره بزده دیبه بیلورزکه وقایع تاریخیه یی بویه ترسنه چه ویرمکه هیچ بر شرقی بوقدر هنر کوسترمه مشدر وداها طوغریسی آنی کوسترمکی ارتکاب ایتمه مشدر .

اوت، زمان جاهلیت دیدیکمز اذوارده یازی صنایع نفیسه دن بری اوله رق تلقی ایدلمشیدی؛ فقط حسن خط صنعتنده بعدالاسلامیه وجوده گلش اولان فوق العاده ترقیه نسبتله زمان جاهلیتک خطوط تحریره و نقشیه سی (کخط بط فی شط) قولینه ماصدق قاله جق قدر هنرلی کورینور . شهه سز ، اشعاردخی زمان جاهلیتده پک بویوک اهمیتله تلقی ایدیلن بر صنعت تفکریه ایدی . سوق عکاظده کوسترملش اولان هنر کلامک یوکسک اوصافدن خبردارز . لکن شوراسی ده تسلیم ایدلمک لازم کاورکه اسلامیتک تأسیسی اوزرینه لسان عربک اکتساب ایتش اولدیغنی فصاحت و بلاغت متزایده ، متمسزیت الفاظیه ، عمق معانی ، قدرت جذب و تسخیر قارشوسنده - معلقات سبعة نک فوقنده هیچ بر عالی سوز بولوته ماز ظن ایدنلردن برچوقلری - اتکای تعظیم کوسترمکه مجبوریت حس ایله مشلردی . قادیلرک زمان جاهلیتده مالک اولدقلری موقع مدینک ممتازیجی انکلیزجه قاموس المعارفه اوبابده یازی یازان پاپاس ذهنیتلی بر محررک ادعالرننددر . بعض قیزلری دیری دیری کومک بر معامله مدینه صاییلورسه آکا قارشو دلیل کتورمکه چالیشمق بیهوده بر زحمت اولور .

آلانر بیه کورلمشیدی . بوکیلردن آلمان مستشرق متوفی هارتمانک عمومی حرب صیره سنده امور شرقیه ایله اوغراشدیغنی صیره ده اوزمانک ایجاب سیاسی وجهله اعتراف قصور ایله دیکنی کورمک یزم ایچون موجب محفوظیت اولمشدی .

اواسکی زمانده قادینلرک میظهر صحابت و حرمت و نائل حریت بولندقلرخی ده آلمان مستشرق شهیری (نولده که) بعض عتیق کتابه لرده و سکه لرده کی حروف و اشکالک دلاتندن استفهام ایتشیدی. واقعا یمن و عمان جهتلرنده ازمان عتیقه ده کی آنار مدنیه نک بقایایی حالامشاهددر. شو قدر که بونلر مدینت مادیه نک موجودیتنه دلاتت ایدن علائم دندرلر. حقوق نسوانه کلنجه : بونک دور اسلامیتک کشادنن صو کره تأسس ایدن احکام تأمینیه سی۔ زمان جاهلیتک بدوی عربلری شویله طورسون۔ غربی آوروپانک واضع قانونلرینه آننجق اسلامیتک ظهورندن عصر لرجه صو کره سئوح ایده بیلمشدی [۱]

مدریث اسلامیه

تعمداً وقوع بولان هیچ برسوء تأویلك ، هیچ برتعلیظ طرفکیرانه نک انظار تدقیقندن ستر ایده مه یه چکی اوزره عرب عالمنک جهان اعظم انسانیته کی وضعیت متمدنه سنک اهمیتنی اسلامیت وجوده کتورمشدر. کذلک عرب مدینتک و حرث عرفایتک آنارینه ده خاص عربلردن ماعداً تعرب ایتمش و یا ایتهمش افراد مسلمنه خدمت لرده بولومشدر . مغرب اقصاده کی بربرلرک ، اندلسده کی مستعربلرک ، عراقده کی ایرانلیلر و تورکرلرک عرب نامنه نسبت ایدیلن مدینته ایتدکاری خدمات جزیه نک بویوک کیمتی تاریخک سجلاتیه مبره در .

ادیبات عربیه حقنده دخی حقیقت نمائله کوریلور. اسلامه کلن اقوامدن بر نیجه لرینک مسایعیسی خاص عرب قانندن کلن اشخاصک دهاسی درجه سنه یاقین صـورتده عرب ادبیاتک انکشافه خادم اولشدر . انواع علوم و فنون حقنده عربجه مخلد اثرلر وجوده کتورمش اولان اهل اقتدارک تراجم احوالی میدانده در . بونلردن عرفان عربی یه خادم اولمش کیمسه لرک بر چوغی عربک غیری قوملردن یتیشمش مسلمانلردر . زمانمزده ایسه عرب ادبیات عمومیه سنک تکمیل و ترقیسنه جزیره العربده دکل قاهره و بیروت کی مستعربلرک شکلی عرض ایدن برلرده چالیشلمقده در .

بو حال مشارکت ، عرب نامنه نسبت ایدیلن صنایعه دخی کوریلور . علی الاطلاق

[۱] چوق او قودقلری روایت ایدیلن بعض نوجوان کیمسه لرک بالاده کی مدعیاترک ضدی اولان ذهابلری ترویجه مقتدر اولدقلرینه واققم . لکن نه سنلری او قودقلری مباحی تمامیه هضمه نه ده تجربه قصیره لری افرنج مؤلفلرینک بیاناتنده کی حق و باطلی لایقینه تمیزه مساعد بولونما یاز اوکی ذواتک نفوذلرینک تطبیق لرینه علم و منطق چوق زمان میدان براقاز .

افراد مسلمه نك همتمری منضم اولمامش بولونسه ایدی بك محتمل كه مدینت عربیه كندی نامنه اضافه ایدیان صنعت نفسیه نقشیه دن محروم قالوردی .

افرنجك (آرابه سك) ویا (ساراسه نيك) دییه توصیف ایتدكاری صنایعك طرزنده عربستان نفوذی دكل عالم اسلامیت نفوذی بالغاً موجوددر .

(آرابه سك) طرزصناعتك رومالیلردن منتقل خطوط مصوره دن مقتبس اولدیغی ادعای ده طرفكیرانه مسلك آنحاذ ایدن محررین عربیه دن بعضلری طرفدن ایله ری سورولمشدر . بونك بویه اوله جغنی فرض ایتمه مكلمز ایچون بر سبب معقول بولونمه یه بیلور . ذاتاً دنیامك هر بر مدنی جهتنده مشاهد اولان هنر و معرفت آناری شو ویا بو منبعلردن ملهم ، مقتبس ، متخذ اولمش بولونه بیلور . آنجق بر اثر متخذك فخر فضیاتی اوذیری انكشاف ایتدیرن واوكا جهانشمول بر معرفیت معتبره ویرن جهته عائد اولق لازم كلور . ایشته (آرابه سك) دینیلن طرز نقشده بولونه بیان فضیلت و حرمیتك شانی ده مغربك ، مصرك ، عربستانك ، سوریه نك ، عراقك ، ایرانك ، تورانك اهل اسلامنه نسبت اصلیق بولونان هنر و معرفت اربانه عائد اولق كر كدر .

ملاحظات آنفه مناسبتیه شونقطه حیرتله قید اولونمق لازم كلور كه قرون وسطاده كندی نامنه نسبتله بونجه صنایع ترسیمه ، معماریه ، اعمالیه وجوده گلش اولان عرب قومك كندی ماواى اصلینده یعنی جزیره العرب داخلنده بوكون موجودیتی کوریه بیان آنار حرفت و صنعت قابا وساده و ذوق سلیم خاصه سندن آزاده بولونمقده در وعادانا حال ایتدایددر .

عربلرده تجارت میلی

دنیاده اسکیدن بری آنار مدینتك انتشارینه باشلجه كشافلق ایده گلش بر صنف ناس وارد كه اوده اهل تجانددر . سجاجای عربیه سندن بریسی ده كندیستك كندن داهانم اولان مملكتلرده استیلاجولق ایتك اولان عرب ، یالكز فتح بلاد ایچون اوزاق یرلره قدر آتیللق ایسته مه مشدی . عرب ، سر كندش جولق قدر باشقه مملكتلرده کی بازاركار و كسیده یر طومتق میلانی دخی كوسته ره كلیشدی . عربك حرفندن زیاده تجارته استعدادی بولوندیغی كورولمشدر . بعض عربلر كچیدی قولای ایکی طار ده كیزك شهراه تجارتندن استفاده ایله قالماملر ؛ همده وجه جنوبیلرنده آچیلویرن محیط كبیرك صولرینه تكلنه صالحه رقی الیمیات مجموعه سی صای ؛

هنده ، چینه ، ماله زیبا آطه لرینک اوزاقلرینه قدر آلم و صایمده بولونمغه کیتمشلر . عربستانک محارج تجارتک اک مهملری بصره کورفرینک هند ده کیزلرینه طوغری اوزانان قییلری اوزرنده و خاصه عمان سواحلنده کائن ایدی . عمانک حوالی ساحلیه سی کثرت نفوس جهتیله و اهمیت اجتماعی و سیاسی جه بحر احمرک حوالی ساحلیه سندن صوکره کلور . حال بویه اولمقله رابرعمان ایله بصره کورفرینک مرسای بحر یلری - تجارت نقطه نظرندن - اسکیدن بری داها اهمیتلی بولونه ککشلردی . شرقی آفریقا سواحلندن هند ده کیزلرینه طوغری امتداد ایدن نهایتسز آچیق صولری یاز اورته سنده آلت اوست ایدن و ایلق صو طاملالری کبی یاغورلر دوشورن (مون صوون) [۱] فورطنه لری ایله حاصل اولان دواملی طالعهلر عمان سواحلنده شدتله اجرای تاثیر ایدمه دکرنندن اوسواحلده کی عرب لیمانلری اوتدن بری تجارت بحریه مراکینک صیغیمه سنه مساعد بولونه ککشلردر . ایدی بولیمانلر یا کز عربلرک مواقع تجارت آرامق ایچون چیقوب اوزاقلره کیتمه لرینه یارامقله قالماملر و همده شرقک یاقین ویا اوزاق جهتلرندن قالقوبده قسمت آرامق ایسته یین برچوق اشخاص اجنبیه یی جلبه مساعد بولونمشلردر . اورالرده کی اجنبیلرک باشلیجه لری ایرانلی ، بلوچستانی ، هندستانی اشخاص ایله آزاد ایدلمش آفرقالی زنجیلردر .

دنیاده کی اک مهم ایچی صیدلرندن برینک بوحوالیده یابیلمه سی یابانچی اشخاصک اورالره ورودی ایچون خاصه بر جاذبه کسبه تشکیل ایتشدر . مع هذا بو مسئله یه آنتو غرافیا نقطه نظرندن باقیلدقده جزیره العربک مذکور جهتلرینک قومیت اصلیه سنک هیچده خللدار اولمادینی و سکنه محلیه ده صرف عربلق صفقی غالب کلدیکی کوریلور . عرب لسانی ایسه کندیسته خاص اولان قدرت جاذبه ایله اصلاً اجنبی اولان اشخاص وارده دن بر چوقلرینک عربک جامعه قومیتی ایچنده قاریشوب قایناشمه سنه یعنی عربلاشمه سنه خادم اولمشدر . عرب تجارینک اعصار عتیقه ده دخی شرق ایله غرب آره سنده معاملات تجاریه نک میانیچیلری وضعیتنده بولوندقلری بالاده کی بیانندن منقهم اولمشدر . ینه بیانی بوراده مناسب دوشه چکی اوزره اسلامیتک ظهورندن و جزیره العربده تأسسندن صوکره دخی عربک تجارت خصوصنده کی متشبشکی دوام ایتشدر [۲] عربستاندن چیقوب جهات مختلفه شرقه

[۱] مون صوون سوزینک عربجه نک موسم کله سندن محرف اولدیغنی ظن ایدرلر .

[۲] الکاسب حبیب الله کلام مشوقانه سنک قائلی اولان حضرت پیغمبرک تجارت ایتش اولدیغی

بومناسبتله خاطر لانه لیدر .

کیدن سیار عرب تاجر لرینک اسلام دینی فتوحات اسلامیه تک یتشه مدیکی یرلره صوقولمش اولدقلری دخی بوراده قیده شایان اولان حادثات اجتماعیه دندر [۱].

عربستانمه اهلیک

شیمدی بحئی عربستانک حال حاضرده کی سکنه سنه نقل ایدلم :

جزیره العربک - آسیا قطعه سنک دیکر بویوک برشبه جزیره سی صاییلان هندستاندن بکده کوچوک اولمایان - برمساحه سطحیه به مالک اولدیقنه دأربالاده بر اشارتده بولونمش ایدک . حال بوکه هندستان شبه جزیره سنک اوج یوز میلیون متجاوز سکنه سنه نسبتله قوجه مان جزیره العرب داخنده یاشایانلرک عددی سکنز میلیون متجاوز تخمین ایدلمزه بوفرنک تخمیننه اعتراض ایدن عربلر اوراده کی عرب نفوسنی سکنز میلیونک بر ایکی قاتنه چقارمق ایسترلر . فرنک تخمیننی حسیات سیاسییه ایله متنفذ اولمش ایسه عرب تخمیننه حسیات ملیه سائقه سیله حد اعتدالی آشمش اولسه کر کدر . هر حالده معلوم اولان برشی وار ایسه اوده عربستانک کثافتلی سکنه یاشانان بر خطه ارض بولونمه دیقدر . عمان سواحلی وبصره کورفزینک باشلرینه طوغری امتداد ایدن جهتلرک چوق نفوسلی اراضی عربیه دندرلر . بورالرده کی مقدار نفوس اوج بوز بیکی متجاوز صاییلور . بصره کورفزندن عراقک داها ایله ریسنه طوغری امتداد ایدن یرلرده اهالی مسکونه آره سننده ایرانلی ، هندلی و بلوچستانی اشخاص ایله بعض شرق یهودیلری بولونمقده درلر . لکن بوتون بوحوالینک کتله ناسی اکثریت کلیه ایله کوچه به حاللی عربلر تشکیل ایدرلر . عربلردن قرق بیک قدر نفوس یالکوز بصره شهرنده و اطرافنده ساکندرلر . مذکور حوالیده کی نفوس عمومینک مقداری یوز یکریمی بیکی متجاوز صاییلور . بوخلقک باشلیجه اشتغالی خورمالقتر یتشه برمک و تمیه اتمکدر . بورالرده شکل مذهبی غالبیتله شیعه در . عراقک نجد و کربلائی اختوا اتمه سی خلقلک اکثریتله شیعی المذهب بولونمقده سنه باشلیجه برسیدر . عربستانک مرکزینه طوغری اولان یرلرده سنیلک جاری ایسه ده نجدک وادی حیفصا جهتلرنده ظهور اتمش اولان وهابیلک دخی خیلی منتشردر . ابتدای انتشارده بو طریقتک اربابی اهل اسلامک حیات مذهبییه سنجه متخذ اولان برچوق آیین و تقدیسات عنعنوییه

[۱] افرنج خرسقیانلقی میسونه رلکاری جانبندن آفریقا و آسیایه دأر نشر ایدیلن برچوق آئارده ناشر دیانت اولان تاجر مسلم حقیقده کی حسیات رقیبانه هیجانلی صورته عرض اولونوب طور مقده در .

ضلالت ویا بطلان اعتقاد صایہ رقی برحس تعصبہ بولنک ازالہ وایحسانندہ شدت آرزو کو سترمش ایدی۔ سوک زمانلرده وهاپی عربلری حجاز خطہ سنی الہ کچورنجه ابن السعودک آمریت منورانه ومدبرانه سی آلتندہ اوکی باشقہ لرینک حریت مذہبیہ سنہ تجاوز حرکت لرینک پکندہ میدان بولہ مدینہ آکلاشیانور۔ یمن جہتندہ کی نفوس اسلامیہ بہ کابجہ زیدی مذہبک غالبیتلہ جاری اولدیغی بواہالینک عدیدی صحته یاقین برصورتندہ تعیین قولای برایش کورولہ مکندہ درہ

قبائل انقاسی

عربستاندہ کوچہ بہ حیانتک حالاعمو میتلہ جاری اولدیغنه وقصبہ لرده کی اہالی مسکونہ آرسندہ بیلہ بروصف بدویت حکم سوردیکنه دائر اولجہ اشارتندہ بولونمشیدک ، یعنی بوتون قوم غرب - داہا متری امترک - خلافتہ اولہ رقی قبیلہ انقاسمنہ تابع قالب کیتمکندہ در۔ قوم عربک قبیلہ لرہ انقاسمی پک گرفت وحتی ایچدن چیقیلہ مہ بہ جق قدر متضرع برتسلسل اشعاب عرض ایدر۔ ازمان عتیقہ نک اسملری تاریخندہ مسجل بعض قبیلہ لری اورتہ دن قالمش ودور ازمان ایلہ بر اصلیتدن تفرع ایدن طائفہ لر دن مختلف کینہ لر آلتندہ بویوک ویا کوچوک آیرنجہ قبیلہ لر میدانہ کلشدر۔ اسکیدن قالان قبیلہ لرک بعض شعباتی کبی صوکرہ دن عرض موجودیت ایدن بعض قبیلہ لر جزیرہ العربک خارجندہ ماوالر ویا مرعالر بولغہ چقمشسر و - آتیدہ ذکر ایدہ جکمز اوزرہ - زماندن زمانہ آفریقانک شمال شرقی جہتندہ کی طرق سروریہ پی آشوب مغربہ وسودانہ قدر تمیدد مرحلہ ایمشالر وبعضلری خطہ مصریہ دہ قالمشدر۔ جزیرہ العربدہ کی طبیعت حیات بوہالت سیر وحرکتک باشلیجہ سائق بولونہ کلشدر۔ موقع جغرافی اعتباریلہ غربی آسیانک بوواجی آسیادن زیادہ آفریقاہ وجوہ مشابہت عرض ایدر۔ قوملقلر ، قوری قبالقلر ، قیصر چوللر ، اورالردہ تورہ یں واؤرہ یں اولاد بشری بالطبع یوقسولوق قارشیسندہ بولوندیرہ وکلشدر۔ بوہالت طبیعت - بعض حوالی منعمہ ایلہ واحلر استئنا ایدیانجہ - شرقدن وغربندن ایکی طار دہ کیزیلہ یعنی بصرہ کورفرزی وبجراحرایلہ وجنوبندن بحر محیط کبیرک صولریلہ احاطہ ایدیلن بومعظم شبہ جزیرہ نک همان ہر طرفندہ مشاهددر۔ بوندن طولانی جزیرہ العرب - آثار مدنیت وافعال ترقی ایلہ استئناس حاصل ایدن مقصورالحدود جہتلر مستئنا اولوق اوزرہ۔ آنجق بش ایلہ سکز میلیون آرسندہ تخمین اولونان عربانہ ، بدویلرہ جولانکاہ اولہ رقی قالمشدر ۔

بوخلق قبیله لر صورت انقسامی اول امرده شمالی ، مرکزی ، جنوبی اولمق اوزره توصیف ایدله لیدر . شمالی قبیله لر دن عزیزه قبیله سنک بعض قوللری سوریه چوللرینه و حبور ایله دیرزور جهتلرینه قدر سر پلش لردر . ابن السعودک منسوب اولدینی حسنه قولی او بویوک قبیله نك شعبه لر دن بولوندیقی روایت ایدیلور . ینه شمالی قبیله لرك بویوک لر دن شم قبیله سی بصره کور فزندن یوقاری اولان طرفلرده بولونور . بادیه الشامدن عراقه طوغری امتداد ایدن ساحه لرده جیبه و یازید ، همیده ، بنی سخر کی اولدقجه نفوسی کثرتلی قبائل میدان جولان بولور . بونلرک شیخلری احتراصات شخصیه ایله بربری علیهنده اوغراشه کلدکاری کی افراد منسوبه لر نی . وقتیه او پر لرده نفوذ حاکمیت کوسترمش اولان - تورکاره قارشو دخی عاصی بر وضعیته سوق ایدر لر و عثمانلی هیئت اداره سنی عصیانلری باصدیر مق ایچون قوای تأدیبه تحشید و سوقته و بناء علیه جان و مال فدا سنه مجبور ایلر لردی .

مرکزی ساحه لر طوغری اولان یزله یاییلمش اولان قبیله لرك مهم لر دن (هویتات) باشلیجه عقبه حوالیسنده سر پیلمش بولونمقله برابر بونک بر قولی مصر طوبراغنه قدر کچمش و طنطا جوارنده بدویت حالنده یاشامقده بولونمشدر دیبه روایت ایدر لر . هر حالده بو قبیله نك کتله عظامی عقبه حوالیسنده قالمش و عربده جو افرادی وقتیه عثمانلی اداره سنه مکرراً باش بلاسی اولمشدر . قبائل مرکزیه دن صاییلان بنی عطیه و قتیله باب عالی حکومه تی طرفندن حجاز ده میریونلک محافظه سی امرنده استیخدام ایدلش اولان بر طائفه در . کذلک ساحه مرکزیه قبائلندن صاییلان جنبه ایله حجاز اراضیسنه منسوب مواهب و حرب طائفه لری ذکره شایاندر لر . ارض حجازک جنوب طرفلرنده هذیل ، بنی فحام ، و بویوک قسمی آفریقایه کچمش اولان جهادله کی متفرق قبائل واردر . داها آشاخی حوالیده بولونان قحطان و دواسیر قبیله لری ده اهمیتله ذکره شایان صاییلور لر . مرکز دن شرقه طوغری اولان جهتلرده اسکئی زماندن بری معروف بنی تمیم قبیله سی واردر که بونک نجد طرفلرینه قدر کیدن بر طائفه سنک افرادی وهابی بولوندقلری حالده عراقه طوغری کوچه به لک ایتمش اولان قولی ده شیعیدر لر . ینه مرکز دن شرقه طوغری کائن اولان حوالیده مطیر ، بنی خالد ، عجمان ، بنی حجار قبیله لری بولوندقلری کی وقتیه حاکمیت عثمانیه یی کندیلرینه قارشو قوای سفیره لر سوقته مجبور ایدنه جک قدر ازعاجات اجرا ایدن اهل مرته واردر .

عسیر ، یمن ، عدن ، حضرموت جهتلریله جنوب شرقیه طوغری اولان یز لرده و خاصه عمان طرفلرنده برچوق متفرق قبیله لر یاشار لر . ازمان عتیقه ده یمنده مهم بر مدینه

خادم اولمش بولونان طوائف مسكونه دن بعضیلرینک احقادینک مرور اعصار صیره سنده حالی بدویته رجوع ایش اولملری بومناسبتله قیده شایان اولان روایات عجیبه دندر .

وضعیت اقتصادی

جزیره العربیک وضعیت اقتصادیجه اولان اهمیتک آنجق سواحلدن وبالخاصه شرق سواحلدن بعض نقطه لره منحصر قالدیغنه دائر اولجه بر اشارتده بولونمش ایدم. عربستانک محصولات داخلیه سنک اکثریتی خورما تشکیل ایدر . عالم افرنجده (موقا) اسمیله یاد ایدیلن یمن قهوه سی مشهور جهاندر . حال بویله ایکن ینک بهالی به استحصال اولونان نفیس قهوه سی خارجه صاتیلور وبلاد عربیه نک بر چوغنده دها او جوز صتون آلینان بره زیلیا و هند شرقی آطه لرینک اخراج ایتدکلی قهوه لر ایچیلور .

جزیره العربیک قسم شمالیسنه دوشن عظیم نفص چوللرندن عسانه قدر امتداد ایدن یرلرنده بدویلر طرفندن آبی جنس ده وه لر یتیشدیریلور که بوده وه لرداخلی نقایانده وبالخاصه نقلیات عسکر به ده اک آلوریشلی حیوانلردر . مشهور عالم اولان عرب آت لرینک اک ای جنسی نجد طرفلرنده یتیشدیریلور . عرب آت لرینک دیگر جنسلردن بولونان آت لرله قانلری قاریشدیرلمه سندن سواریلکه و نقلیاته یارار آت لر و بیکیر لر حصوله کلدیکندن عرب آت لرینک ممالک اجنبیه به و باخصوص هندستان و مصره اخراجاتی چوق و قوع بولور . حجازده ، یمنده ، نجدده یتیشن و نقلیات عسکر به ده مفیدلکلی کوریلن آبی جنس حمارلرک خارجه ارسالاتی صورتیله ده بعض مرتبه تجارت و قوع بولور .

مال صناعت

صنایع جهتیله جزیره العرب الیوم دنیا ناک اک فقیر مملکتلرندن بریدر دینلیسه یا کلش بر ملاحظه اولماز .

وضعیت سیاسی

جزیره العرب خلقنه تعلق ایدن وضعیت سیاسی حقیقده ده بوراده مطالعاته بولونمق علم زمیندن تباعد ایتک کی بر شی اوله جغندن باشقه مغلوق و مشکلی التخیل بر بحثه آتیلحق کی بر حال دخی اولور . مع هذا یالکز تورک ایله عربک اوزون عصر لر سورن مناسباتنه تعلق ایدن جهتن عالم عربده کی حادثات سیاسی به بر لحظه عطف نظر ایتک

صده پکده اوزاقلاشمق کبی بر حال صایلمه سه کر کدر . اورته آسیان غربی آسیا جهتلرینه طوغری کلوبده عرب قومی ایله ایلمک دفعه تماشلری حاصل اولان تورک اولادینک سرگذشتی هنوز باشلیجه بر صورتده تلفیق ایلمکک محتاج طور بیور . بوتماک - مختلف قوملره منسوب بونجه افرادی عضویت معنویه سنه قاتهرق جهانگیرانه بردولت چیقاردقندن صوکره عربستانده حکمنی انفاذ ایدن - عثمانلی قوتنک ارتقاسندن اول باشلامش اولدینی معلومدر . عربک هیئت اجتماعیسی ایله ابتدالرده تماسه گلش اولان پک چوق افراد اتراک - اصلاً ملی اولان - بر حرث عرفانیدن محروم قالدقلرندن عرب دیلینک جاذبه مقناطیه سنه مجلوب اولمشلر و خلفانک مؤسسات اداریه سی آلتنده کندیلرینی عرب نفوذینه قایدیره رق تعرب ادوب کیتمشلردی . لکن صوکره لری تورکلر کندیلرینه خاص اولان استعداد استقلالپرستانه یی حس استعماله باشلامشلر و کندیلرینه کلوبده حاکمیت قومیه لرینی متوسعاً انفاذه قویولدقلرنده اسلامیتک تقریب عریقت و تقلیب قومیت خصوصنده کی قدرتی کندی لهارنده قوللانهرق بر چوق عربلری تورکلک جامعنه سنه طوغری جذب و جلبه موفق اولمشلردی . واقعا تورکلر لسان و ادبیات عربیه دن استعانه و استعاره ده بولونمشلر و حتی اشخاص منفرده صورتیه عرب مؤسسات تعلیمیه سنک و منابع عرفانیه سنک بقاسنه و حتی توسعنه خادم بیله اولمشلردی . شو قدر وارکه ایجمزدن علمسز بر حالده سیاسی اولویورمک ایستنه بعض ذواتک ادعاسی خلافته اولهرق اوافعال استعاره و استعانه تورکی عربک زبونی ایتمه مشدره . بالعکس تورکلک عرب اوزرینه حکم اداریسینی انفاذ ایله دیکی بونجه بلادده بیله تورکلک - حرث عرفانی زمیننده - عربلق ایله خیلی زمان رقابته موفقیتیه کیریشمش ایدی . عراقک ، سوریه نک ، فلسطینک ، حجازک ، و حتی ینک و لسان ایله عنعنات یونندن عربلاشمش اولان مصرک مرکز لرنده عربجه ایله برلکده تورکجه سویله نور ، اوقوتور ، یازیلوردی . احکام اداریه و تشریحیه تورکجه اصدار اولونور ، بعضاً فتوالر بیله تورکجه یازیلوردی . داها ایله ری کیدوبده دییه بیلورزکه بروقتلر جزایرک حوالی ساحلیه سنده کی قصبانن بعضلرنده تورک دیلی خیلی کنیش بر جای استعمال بولویوردی . کیت کیده بلاد عربیه نک مهملرنده تورکجه اولهرق کتابلر و غزته لر بیله چیقارولمش ایدی . بوبابده مخصوصاً صرف ایلمش مساعی یی استصغاره چالیشمق محق ویا منصف بر مسلکدن ایله ری کله من .

لکن مناتقی اوزون عصرلر محافظه ایله بیلمش اولان اسکی تورکلک عالنده مزایای

ذاتیہ صارصیلور، عزم قدرتی طاوصار، تسیب خوبی آرنار اولدی و غلبه چالان قلندرک طورى مهم امورده ثمره سینهنی کوستره کلدی. کندینه کله مهینلرک بالطبع اراده لری معتبر اولماز، موقعلری تنزل ایدر، نفوذلری ضایع اولور، آثار ملیه لری زوال بولور. اسکی تورکک مالنک آرتق های هویه طالغه باشلادینی، «نه لازم» قیدسزلغنه قابلدینی و قتلرده اعیار اجانب بوش طورمه بوردی و تورکک غائب ایده کلدیکی هر ساحة نفوذی همان اشغاله قوشیوردی.

ایمدی ممالک عربیه سیاستک محوری استانبولدن کیتمکه یوزطوتدی، شرق قریبده کی امپریالیزم مسلکته مجرای کامل آچغه قویولان انکلیرلراو محوری لوندربه نقله اوغراشوب طوردیلر و عاقبت، نقله موفق دخی اولدیلر. اوبابده بلافاصله وقوعه ککش اولان انکلیر مساعیستک وسائل و وسائط اجراییه سی شایان حیرت درجه ده متعدد و مؤثر اولوب بوراده تشریحلرینه کیریشمک زمین مقاله توافق ایتمز. سیاست عربیه نک محوری حالاده لوندربه در. بونک نه زمان عالم عربک قلبکاهنه نقل ایدیله جکی هنوز کسدیریه من.

اورجیجی فصل

(آفریقا و آنده کی اقوام مسلمه)

اسلام اقوامی آننوگرافیاسنده - اسلامیتک تاریخ انتشاری وجهله - بر سلسله ترتیب اتخادینی تدریس مقصدینه موافق بولمش ایدک. بوصورتله عرب قومنک آننوگرافیاجه اولان وضعیتی مناسبیله تفصیلاته کیریشدکن و جزیده العربیه ملاصق اولان یرلرده یاشایوب مستعرب دینه جک بر وصف قومیت ارانه ایدن طائفه لر حقتنده ده اشارتده بولوندقدن صوکره آتق آفریقانک نصف شمالیسنده کی مسلمان کتله لری اوزرینه توجیه دقت ایدیله جک بر موقعه ککش اولدق. لکن ابتدای کلامده - بویوک بر قسمی اسلامیه مقر اولان - آفریقا قطعیه سی حقتنده عمومیت وجهله بر قاچ سوزسویله مک مقصدن تباعد معناسنی افاده یایتمسه کرکدر.

جغرافی وضعیت

آفریقا قطعه سنک مساحات ارضیه سنده کی وسعتک درجه سنی کو سترمک ایچون تصویر اولونان مخیل بر خریطه ایچنده [۱] شو مملکتلرک اشکالی صغیشدیرلشدر :

شمال شرقی جهته چین الکاسی ایله هندستان خطه عظیمه سی ، غربی جهته بوتون آوروپا قطعه سی ، نصف جنوبیده بویوک بر شبه جزیره شکلی آلان قسمة دخی آمریقا جهایر متحده سنه عائد اولان اجزای ممالک صیغه بیلور. قونغو نهریله آنک شعباتک بوتون آوروپا اراضیسی قدر یرلردن صولری کچدیکی ، نیل نهری بویوک پورتکیز مملکتندن سبریا به قدر چکیله جک بر خط مفروض قدر امتداد ایده بیله جکی ، (ویقوریا - نیازا) کولی ایچنده ایرلندا آطه سنک بانوب غائب اوله بیله جکی عند الحسب آکلا شلمشدر. نیل ، یجر ، قونغو دنیانک ال بویوک آقاز صولرندن اولدقلری کبی (زامبهزی) نهرینک شالاهسی دنیاده کی چاغلا یانلرک اک عظمتلیدیر .

اکثر جهاتی وباخصوصی ممالک ساحلیه سی قاوورجی بر کونش ضیاسیله یانان بوقطعه به اون طوقوزنجی قرننده آفریقاده کشفیائده بولونمش اولان انکلینزسیاحی مشهور (ایسته نلهی) « قاره قطعه » اسمنی ویر مش ایدی [۲] بوتعیر بالاخره آفریقا ایچون بر علم کسیددی . بوتلقیب ایسه آفریقا سکنه سنک اکثریت اوزره سیاه دهریلی ویا قسماً قویو اسمر رنگلی بولونمشندن زیاده آفریقا داخلنک اسکیدن بری عالم خارجیه به مجهول و مظلم قاله سنندن طولایی بولونسه داها مناسب دوشر . فی الواقع آفریقا قطعه سی سجالات تاریخیه نیک ادوار متقدمه سنده کندی کندیسنه مختص ومنحصر بروضعیتده قالب کیدیکنندن آسیا و آوروپانک آز چوق مدینت کورمش امتلرینه - مصر ایله حوالی متجاوره سی مستنا اولق اوزره - مجهول بولونیوردی . آفریقانک اکثر جهاتنک احوالی ، جهانک اقسام سائره سی خلقنه صوکره لری معلوم اولمغه باشلادی ؛ فقط بویله بر وقوف آفریقا سکنه سنی کیت کیده اولا آسیانک و صوکره لری آوروپانک بعض اقوامنک زبون ارادانی اوله جق بر وضعیه صوقدی . مصرک اسکي مدینتی بیله تحکم خارجی مواجهه سنده زواله یوز طومشیدی .

[۱] بوخریطه انکلینز میسیونر لرلندن راهب (دیویل و وکر) ک لوندرده ۱۹۲۴ سنه سی نثر ایدیلن (آفریقا) عنوانلی کتابنده کورلشدر .

[۲] اون طوقوزنجی قرننده آفریقاده کاشفک ایدن سیاحلرک مشهورلری شولردر : استوچیالی (لیونگستون) ، انکلتره نیک غال ایالتنه منسوب (ایسته نلهی) ، آلمانیالی هانریخ بارت ، ریغالی (شیواین) فوررت .

آفریقایی : شمالی ، وسطی ، جنوبی اسملری آلتنده اوچه تقسیم ایدنجه « قاره قطعه » تعبیرینک - اشکال سکنه‌ئی مشعر اولق اوزره - حقیقت حالده جهات وسطیه و بردرجه غالبده جهات جنوبیه هائو بولونمسی لازم کله چکی منضم اولور . نصف شمالی حوالیسنه کلنجه : اوجت آسیا و اروپا اراضیسنه یاقین دوشدیکندن داها نیجه عصر لر مقدم بو ایکی جانبک تأثیر نفوذینه معروض قاله کلمشیدی . آفریقانک استیلاسی ده اوطرفلردن وقوعه کلیوردی .

تقسیمات اصلیه عرقیه

علی العموم آفریقا سکنه‌سنی اصلاً دورت بویوک عرقه آیرمق اقتضا ایدرکه بولنری ده یوقاریدن آشخی حامیه وسامیه کواکرینه ، زنجی و بانسو قولارینه منسوب طوائف تمثیل ایدر لر . حامیه و سامیه قوللری آفریقانک نصف شمالیسنه و زنجی قولی آنک اقسام وسطیه‌سنه و بانسو کتله‌لری نصف جنوبیه طاعیل مشر در . لوندرونک مشهور (بریتیش موزه نوم) نام آثار عتیقه خزائنک (ائتوغرافیا) مدخراتنه مخصوص اولان رهبر کتابنده آفریقانک اصلی اولان عرقلری بشقه تقسیم ایدلمشدرکه بولنرده لیبالیلر ، حامیلر ، حمیرلر و یاسامیلر ، زنجیلر ، اورمان نشینلر در . بوتقسیمه کوره نصف شمالیده کی حامیلر - لسان مشابهته رغماً لیبالیلردن آیری بر اصلیه منسوبدر لر . نصف جنوبینک سیاهیلر نی ایسه خالص زنجی ایله میلز (بانسو) طائفه‌لری تمثیل ایدر لر . خالص زنجیلرک مختلف طائفه‌لری بویوک برمشاهت جسمانیه عرض ایتدکاری حالده لهجه‌لری غایتله متبایندر . حال بوکه (بانسو) طائفه‌لرینک قوللاندقلری لسانلر آره‌سنده برچوق نمائت بولونور . زنجیلر ایله اورمان نشینلر آفریقانک سکنه اصلیه عتیقه‌سندندر لر . قویو اسمر رنگلی سامیلر ایله آجیق اسمر رنگلی حامیلر آفریقایه صورکردهن آسیادن کلمشدر لر . لیبالیلر ایسه آوروپالی بر اصلیه منسوب کی ظن اولونور لر .

سیاهینک ویا زنجینک

علی العموم آفریقا سکنه‌سنک درجات مختلفه‌ده سیاه ویا قویو اسمر رنگلی بولونمسی یرلی خلق کتله‌لرنده کی اصلیت عرقیه‌نک لایقیله بیانمسی خصوصنده علامت قاره اوله‌رق کویسته‌ریله من . بو قطعه‌نک اقسام شمالیه‌سنده طاعینق صورته یاشایان بربر طائفه‌لرینک اسمر رنگلی اولانلرنده دکل حتی قسم جنوبیده کی آجیق سیاه رنگلی بعض اجناس افراننده

بیله زنجیلکه خاص صاییلان بعض اوصاف جسمانیه و ظاهریه پکده مشاهد دکلدرد. مرکزندن خطاستوانک کچدیکی بوقطعه ده ساکن بولونانلرک خطاستوايه ملاصق و یامتقارب حوالیده یاشایان طاققلری بلکه شدت حرارتندن طولایی قوزغونی سیاه بولونداقلری حالده شمالک بربر قیبه لری و جنوبک (هوتتولری) - احتمالک دهاها زیاده یاشادقلری اقلیملرک اعتدال نسیلرندن طولایی - اسمر ویا آجیق رنگلی بولونورلر .

چول های

آفریقانک هان کلیت اوزره عناصر مسلمه به ماوای توطن بولونان شمالی قسمی دنیانک الک بویوک برچولینی محیط اولوب ایشته بوچول مدنیت خارجیه نفوذینی آفریقانلینک احرازینه ازمان قدیمه دن بری مانع کسلیمشیدی . شمال شرقیدن قاره قطعه به التصاقی بولونان وجهه مزجه آسیای غربینک جنوب گوشه سی اولوق اوزره صاییلان جزیره العرب، حقیقت حالده بو آفریقا چولندن آیرلش بر پارچه و دیگر طرفدن دخی بر طار ده کیز اولان بحر احمر بویکی متشابه خطه ارضیه یی یکدیگرندن تفریق ایله بن بر کورفر حکمنده در. بو آفریقا چولنی شرق جانبندن تفریقه اوغراتان دیگر برصوداها واردرکه اوده نیل نه ریدر . آفریقانک قسم بالاسندن مرکزینه طوغری وقوعه کلش اولان استیلا افعالی و آثار مدنیت ادخالی بو نیل صوبی حوالیسندن اجرا ایدلمشیدی . مع مافیه « صحرای کبیر » نامی آلتنده معروف اولان معظم چولک غرب جهتلری دخی مروره صالح نقاطی و سکنایه آلوریشلی اقسام اراضی یی محتوی بولونداقلرندن بو جهتلردن دخی مرکزی آفریقایه طوغری مهاجرت جریانلری واقع اوله کلشیدی [۱] نینه کیم نفوذ اسلامیت بو جهتلردن دخی غربی و وسطی سودانه تأثیر ایله مش ایدی . بناء علی ذلک شمال شرقی جهتلردن سامیه کوکینه و شمال ایله شمال غربی طریقلرندن حامیه کوکینه نسبت عرقیه سی بولونان طوائفک افرادی مرکزی آفریقایه طوغری آقین و یا مهاجرت ایده کلدکلرندن بونلر آفریقانک قسم وسطی

[۱] زمانم زده قوم چولارینی ته بوب کچر صورتده یایلمش مکلف سیاحین اوتوموبیللری واحه دن واحه به اوغرایه رق صحرای کبیرک بعض مرکز لینه پوستهلر یابدقلری کبی طیاره فیلوسندن برچوق مفرزلر سکنایه صالح جهتلرده کی طوائف بدویه اوستنده اجرای ترصدا ت ایده بیلورلر، تلسز مخا بره آلاتیه مجیز اوتوموبیللرک و طیاره لرک ایسه نره لده بولونداقلرینی مراکز مدینه به سرعتله بیلدیردکلری واقع اولوب طور مقدمه در .

و جنوبیسی اهالی اصلیه سنی تشکیل ایدن و زنجی ویا (بانتو) ناملری آلتنده ذکر ایدیلن سیاهی طائفه لرك افرادی ایله خیلی قان قاریشیدیر مشلردر .

سودانده عربلر

عرب قومی حقیقده کی فصلده اشارت ایتدی کمز اوزره جزیره العربدن آفریقانك شمال شرقی حوالیسنه طوغری ازمان عتیقه دن بری عرب کتله لری خلول ایدوب کیتمشلردی . ایددی سامیه کوکینه منسوب اولان بو اولاد بشر مصره و باشلیجه مصر جانبدن و خیلی پرمقدارده دخی بحرا بحر و حبشستان اوستندن کچوب سودان شرقی به و سودان مرکزی به کیده رك یرلشمش اولد قلرندن آفریقانك اوجهت لری نك سکنه سی خیلیدن خیلی به عربلشمشدر . زمان جاهلیتده آفریقایه کچمش اولان عربلر بعدالاسلام اورایه هجرت ایدن طوائف عربیه مسلمنه ایله تماسدن و دین اسلامک الهام عرفاتیسی سایه سنده جاذبه دارانی آرتان لسان عربک نفوذ توحیدیه سندن و علی الخصوص اولسان اوزره ملهم اولان قرآن کریمک تأثیرات اعجاز کارانه سندن طولانی اهتدا ایش بولونمه لری سببیه ایوم سودان خطه سنك اکثر جهاتنده کی عرب طائفه لری کاملاً اسلامیه مربوط بولونمقده دیر .

سودانده نره سیدر ؟

علی الاطلاق سودان دینلنجه بونک صحرای کیردن آشاغی دوشن، نجر ایله نیل کبی ایکی بویوک نهر طرفندن اسقا ایدیلن اقالیم حاره لی رلر آره سنده کی واسع خطه ارضیه مراد اولونور . آفریقانك اسلامی بولونان یوقاری نصفنده کی الکالرك مهملرندن اولان سودان ملحقاتی باشلیجه اوچه تقسیم ایدر لکه بونلرده شرقی، وسطی، غربی دییه توسیم اولونور لر . شرقی سودانن مقصد اولجه مصر خدیوتی طرفندن ضمیمه ممالک ایدلمه سندن طولانی «سودان مصری» دییه یاد ایدیلن و بالاخره انکلیزلرك مصر اداره سی اوزرینه وضع مراقبه ایتمه لرندن بو خطه یی رلی در اویش قوتلریندن مصر یاره سی صرفی و اکثریتله مصر عساکری استخدامی صورتیه استرداد ایله دکرنندن طولانی «انکلیز و مصر سودانی» دییه توسیم اولونان دیاردر [۱]

[۱] شوووک سنه لز طرفنده انکلیزلر سودانده مصر حکومتنک نفوذنی ازاله ایده جک تدابیر اتخاذ ایله مشل و شرقی سودانک حدودنی توسیم ایله برابر او ملکی کندی لری نك صرف بر آفریقا مستملکه سی حاله کتور مشلردر . مع مافی «انکلیز و مصر سودانی» تعبیری هنوز استعمالدن اسقاط ایدلمه مشدر .

سودان شرقینک مسلمان عنصری ایله مسکون باشلیجه مرکزی نیل اییض ایله نیل ازرق صولرینک نقطه التصاقنده کائن اولان (ام درمان) بلده سیدر. بویکی نهرک التصاقدن اول تشکیل ایله دکلی شبه جزیره نک - که یالکیز جزیره اسمنی حاویدر - بروننده کائن و آ ز وقت ظرفنده شایان حیرت برسرعتله عصری بر شهر حاله کلش اولان (خرطوم) بلده سی اهمیت منقرده سندن طولایی بوتون شرقی سودانک وحتى بدرجه یه قدر سودان و سلطانک بر مرکز آمریتی حالی آلمشدر. انکلیز رؤسای ملکیه و عسکریه سی اوراده مقیم بولونورلر. بوندن تقریباً یارم عصر مقدم انکلیزده طوپلانمش اولان و یوز بیگ (ایسترلین) لیراسی طوتان براغانه ایله وجوده کتوریلان و «غوردون» [۱] قولهج نامی ویریلن یوکسک تدریساتلی وانکلیزجه ایله عرب مجوده اجرای تعلیم ایدر بر بویوک مدرسه خرطومک اک بویوک مؤسسات عصریه سندنر. انکلیز امپریالیزمنک شرقده کی آمالنک بر مروجی بولونمش اولان و خدیویت مصریه طرفندن «پاشا» عنواننه دخی نائل اولان جنرال (غوردون) ک لوندرده (تایس) نهری ریختمنده مرکز بولوندیغی حاله سودانک یریلردن ضبطندن سوکره خرطوم شهرینه نقل اولونان هیکلی شهرک مهم آبداتندن صاییلور. خرطوم شهری بر چوق سوریه لی، روم، ارمنی، قبط خرسیتیانلری احتوا ایله دیکی کبی بعض غرب کنیسای میسیونرلکلرینک سودانده کی فعالیتلرینک بر مرکزی حالی آلمشدر. کذلک اوراده انکلیز کنیسانک نه پیسکوپوس رتبه سنده بر باش راهی مقیم بولونور.

شرقی سودان اعصار عتیقه دن بری باشلیجه سیاهییلرک مملکتی بولونمش اولدیغی حاله بحر سفید جانبدن نیل بونجه بعض مرتبه مدنیت آثاری اورایه کیره بیلمش و - سیرسفاشته مانع تشکیل ایدن شلاله لرینه رعماً - نیل اوزرندن اورایه مهاجرت آقینلری دخی وقوعه کلشیدی. اولجده اشارت ایدلیکی اوزره بحراهرک طار برصودن عبارت اوله سی بالخاصه عربستاندن آفریقایه سهولت مروزی انتاج ایدردی. اصلیلری خیلی قاریشمش اولان سودان خاقلنک تکثرینه ذاتاً بمجالات داخلیه مانع کسلوب طوررکن بوندن ربیع عصری

[۱] خدیو اسماعیل پاشا مستقل حکمدار اولتی خیالیله آفریقا داخلنده توسیع ممالک ایتک ایسته دیکی صیره لرده بر طاقم آوروپالی سرکدشتجولری استخدام ایدیوردی. جنرال غوردون بولردن بری ایدی. سودانده ظهور ایدن متمدنی قوتلری اسکی خرطوم شهرینی استیلا ایتدکلی صیره ده غوردونی قتل ایله دیلر (ایلول ۱۸۸۴) حال بوکه قلیاً انکلیز امپریالیزمنه خدمت ایدن بوذات داها اول چین حکومتنک خدمتنه کیرمش و ۱۸۶۲ سنه سنده (تایبنغ) ده قوماندان اولدیغی صیره ده بیکارجه مسلمانک چینلیلر طرفندن قانه سبیت ویرمش ایدی.

متجاوز بر زمان اول انکلتره نك توسیع مستملکات سیاستی طولایبسیله حدوث اینهین جنک وجدال، فرار و قتال سبیلر یله دخی او مملکتک نفوسی ا کسيلمشیدی. غرب کنیسالری میسیونه رلرینک سودانک بالخاصه یرلی سیاهی بتهرسلری آره سنده وقوعه کان فعالیت تنصر جو یانه لرندن طولای و انکلیز اداره سنک حمایتی آلتنده خارجدن کان عناصر خرسنیانیه نك تکثیر یله بونلرک سربستی جولان و اجر آتندن ناشی شرقی سودانده موازنه نفوس تحوله اوغرامش و عنصر اسلامک تفوقی بوضورتلرله بعض مرتبه خللدار اولمشدر .

سودان وسطایه کلنجه : بده آفریقانک نصف علیاسنک شرق جناخندن کچن نیل بالا ایله هرب جناخندن کچن نیجر نهری آره سنده کی قطعاً ارضدن عبارت قالور و (باغیرمی) ، (وادای) ایله جاد کولی جوارنده کی موضعلری احتوا ایلر. وسطی ویا مرکزی سودانده (سامیه) اصلیتنه منسوب عربلر ایله بربرلر وزنجی خلق آره سنده خیلی اختلاط عرقیت حصوله کلشدر . وسطی سودان سکنه سنک اکثریت قاهره سی دین اسلامه سالکدر .

غربی سودانه کلنجه : بونک حدودی (کینی) سواحله ویا داهها جنوبه دوشن (قونگو) وادیسنه قدر امتداد ایتمز ایسه ده هر حالده بک واسعدر و (نیجر) نه رینک طولاشدینی حوالیده بویوک قطعهلرده اجزای ممالکی محتوی بولونور. نیجر نه رینک کچدیکی حوالیده کی سودانی عنصرینک مالک اوله بیلدیکی علائم متمدنه اکثریت اوزره داهها شمالده ساکن بولونان خلقک نفوذیه حصوله کلشدر . مع مافیة عرقیت جهتندن تدقیق اولونجه آکلاشیله بیله جکی اوزره جنوب طرفلرینک زنجیلری غربی سودانه مهاجرت صورتیه متادیناً چیقوب کلدکلرندن ویا اسیر صورتیه طوتیلوب کتورلدکلرندن غربده کی سودانلیغه خیلیدن خیلی نه زنجیلک اوصاف عرقیتی تاثیر ایله مشدر. عربی سودانده دخی صوکره دن عرب عنصرینک - بر درجه محدودده - امتزاج عرقیتی تولید ایله دیکی مظنوندر. غربی سودانده کی بنی بشر کتله لری آره سنده بر اهمیت مخصوصه یی حائر اولان (هاوسا) و (فولانی) کی بویوک طوائف اسلامیه دن صیره سی کلنجه بحث ایله جکدر .

علی الاطلاق سودانلیغی نیل ارزق طریقله کان (نه تیوپی) یعنی - الیا قین بر مفهومده اوله رق - حبشی الاصل افراد ایله شمالدن و صحرای کبیر و احهلری طرفلرندن کن (بربر) طائفه لری افرادی کی جنوبه منسوب زنجیلرک و (بانتو) اسمیله معروف سیاهیلرک اختلاطی تمثیل ایتمشدر. خلاصه کلام عرقیتده اصلیت ماده سی دنیانک برچوق طرفلرند اولدینی کی سودانده کی خلقده دخی بر حال مظلیمیت ایچنده بولونور؛ علی الخصوص اسلامیتک سودان

حوالیسنده انتشاری اوزرینه تثبیت عرقیت مادهسی داها زیاده کسب مغلقیت ایتشدر؛ چونکه اسلامی بر نفوذ سیاسینک تأیری آلتنه کلن عناصر مختلفه بشر بر سوق روحانی ایله چوق کره امت واحده شکلنه منقلب اولمق استعدادینی کوسترمشلردزه ذاتاً معین بر شکل مدینتک حکمی توسیع ایله دیکی برلرده اختلاط عروق حالی، طبیعتیه وقوعه کور.

اسویت وزنجیک

« زنجی تعیری » آلتنده ذکر اولونان بشریت افرادندن میلیونلرجه سنک - احکامنده رنک جسم فارقه متمایزه سنه اعتبار اولمیان - اسلامیتک دائره نفوذینه کچمه سندن طولانی زنجیلنک اصابتی حقنده بوراده بر اشارتده بولونمغه لزوم کوریلور :

مختلف زنجی کتلهلری آره سنده هر نه دورلو نفوذ مختصک ویا جواریت معینه نك تأیرات تمیزیه سی بولونورسه بولونسون مختلف زنجی جز بلرینی احتوا ایدن جنس انسانیت علی اطلاق نبی بشرک بر شعبه متفرقه سی صورتنده تظاهر ایدر . بالخاصه آفریقانک اقالیم حاره سی داخلنده کی قطعات ممالکده ساکن اولان زنجیلر - ده ری رنکنک متخالف درجانه کی سیاهییلکنه رغماً - علی الاطلاق اسودیت ماده سنده ، قافا طاسینک طولاً یا صیقلندنه چکنک چیقینتلی اولسنده ، صارقیق دوداقلیلقده مماثلت عرض ایدرلر . بوتشابه اوصاف زنجی طوائف مختلفه سنک قولاندق لری لهجه لر خصوصنده پکده منفهم دکلدر . اوقیانوسی ده کیزلرک بر برندن اوزاق بولونان قطعات ارضیه سنده سرپیلمش بر حالده یاشایان و (مه لانه زبیه ن) دینیلن سیاه رنکلی اولاد بشریتک آفریقالی سیاهییلره اولان وجوه مشابهتلی نه قدر چوق اولورسه اولسون بونلرک عینله بر بشریت دالندن انشعاب ایتش بولونملری مثبت دکلدر . سیاهییلک آفریقانک نصف جنوبیسنده اکثریت قاهره ایله ، قسم مرکز یسنده کلیت اوزره ، اجزای شمالیه سنده سرپینتی حالنده موجوددر . حال بوکه اسلامیت آفریقانک نصف شمالیسنده کلیت اوزره ، قسم مرکز یسنده اکثریت اوزره ، اقسام جنوبیه سنده سرپینتی حالنده تمیل ایدر . اسلامیت آفریقاده کندینه خاص اوصافه مالک جماعتلر وحقی « امت » اطلاقه لایق کتله لر تحصیلنه خادم اولمشدر . مع مافیله آفریقاده احزاب اسلامیه دن هیچ بریمی - استقلال سیاسی مفهومی متضمن اولمق اوزره - ملیتی تأمین ایدمه مشدر .

زنجی ابله (بانو) آره سنده کی فرقه

آفریقا ایچنده یاشاق باشدیجه اجناس انسانک نره لرده متمکن اولدیغنی کوسته رن بر خریطه ده (بانو) حقنده شو ایضاحات ویریلدور: آفریقانک نصف جنوبیسنک شرق جهتنده - احتمالکه سامیه و حامیه دن بولونان طوائف افرادینک زنجیلره آشلانمہ سندن متولد اولوق اوزره - بویوک بر ملز جنس بشریت میدانه کلمشدرکه اوده جنکجو، مغرور، قوی النصر، آجیق سیاه رنگلی (بانو) خلقیدر. بونلر بربرنی متعاقب اجرائتمش اولدقلری آقینلرایله آفریقاده بویوک برشبه جزیره تشکیل ایدن مالک جنوبیه یی کاملاً اشغال ایلمشلردی؛ نته کم سامیه و حامیه دن بولونان اقوام دخی آفریقا قطعہ سنک اقسام شمالیه سنی طومشدر ایدی. مبعزمده اسمی تکرر ایدن (آنتولوژی) عنوانلی اثرک صاحبی (کین) دیرکه: «بانو خلقنک طوندیغنی زمین، سودانلی صاییلان عناصرک اراضیسنه غرب جهتنده (قامارون) طرفلرندن و شرق جهتنده (آبهرت نیانزا) کولینک شمال اوچنده متلاصق بولونور. بانولرک اجزابی (تانغانیقا) کولی ایله آشاغی (قونغو) به قدر سر بیلمش بر حالده یاشار. بانولری - جسمانی بر نقطه نظر دن باقیندجه - خالص زنجیلردن تفریق ایتمک قولای اولماز. مع مافیہ مسئله یی داها اطرافلی صورتده تلتی ایدر سه ک بانو عرقنک کندی به خاص بعض اوصاف معدله سی بولوندیغنی کوریرزکه آنلرده رنگلرینک زنجیلردن داها آچیقجه اولمه سی، داها بویوک استعداد حقنی به مالکیت، اوفاق دیشلیک، داها آز اوزون چککلیک. بانولر حقیقی زنجیلردن داها ذکی وانکشاف تعالی به داها مقتدر درلر. (زولوو - کافر) نام طائفه بو عرقه اک آبی بر نمونه اوله رق کوسته ریله بیلور وحق (بانو) لفظی بیله زولوولرک لسانلرندن آلینمشدرکه «خلق، دیمکدر. بویکه کیت کیده آفریقانک نصف جنوبیسنک (زولوو - کافر) لری ایله (هوتنتو) و (به جوئه) لهجه لری اوزره متکلم بولونان طوائفه علم اولمشدر. مع هذا بونلرده اک زیاده تأثیرخی کوسته رن وصف ینه زنجیلکدر. بونلرده مشاهد اولان زنجیلک اوصافی سامیه و حامیه عرقلرندن انشعاب ایدن طوائفک افرادیله اولان قایناشمه دن طولای غالباً تعدیله اوغرا مشدر.»

زنجیلر آره سنده اسمویت

سیاهی و زنجی تعبیرلری آلتنده ذکر ایده کلدیکمز اجناس بشریته منسوب اشخاصدن. میلیونلرجه سنک اقوام اسلامیه میاننه دخولدن طولای بالاده کی بیانیی سرد ایله دک. لکن

آفریقا قطعہ سنک من القدیم عالم خارجینک زبون تغابی بولونمه سندن طولایی دیگر آفریقا اقوامی کبی عیاهی مسلمانر دخی دواملی بر موجودیت استقلالیه مالکیتدن محروم قالمشدر؛ یعنی بر قسم اعظمی اقوام ویا طوائف مسلمیه وطن اولان آفریقا - باشند باشه - مستلمکة اجانب حالی آلمشدر. بناءً علیه آفریقا حقنده حکم سورن اجنبی سیاست استملاکیه سنک تاریخجه سنه شویلهجه بر لحظه باقیویرمک مقاله مزک موضوعیه غیر متناسب دوشمز .

آفریقایی استیمو واستیموک

اجانبک مستملکاتی صورتنده تالی ایدیلنجه کوریلور که آفریقانک مرکزی وجنوبی اولان اقسامنک بالخاصه داخل جهتری عصر لرحه بر مجهولیت مظلمه ایچنده قالمشیدی . لکن اون طقوزنجی قرن میلادیده داخلده کی حدود واسعه دخی فرنگر طرفندن کشف ایدلمک و بناءً علیه استیلا زمینی حاضر لقمه باشلادی . حال بوکه بر چوق حوالی ساحلیه داها قرون متوسطه نک ختامندن بری آنلر طرفندن آله کچورلمش و برلی اهالی رقت اداره آله صوقولمشیدی . استیلادن باشلیجه مقصدک وحشی دیار لره فوآند مدنیه ادخال اولدینی اوزمانلردن اعتباراً غربک مستولیلری طرفندن ادعا ایدیلور اولمشیدی . لکن حقیقت حالده بوسوتون کندیلرندن فرقلی اولان عمر قلره منسوب تبعه مغلوبه نک دکل صرف مستولیلرک فعلینه اوله رق تأسیس ایدیان او کبی « اداره متمدنه » نک علی الاطلاق انسانیت مقصدینه خادم اوله بیله چکی ادعای نبوت بوله مه یوب کیمشیدی .

آفریقا قطعہ سنک سواحلی ایلك دفعه دور ایدن پورتکیز لربالطبع آفریقا اراضینک ایلك مستولیلری وضعیتنده بولونمشلردی . بونلر ابتدا آفریقانک غرب سواحلنده برلر طومغه و اجرای تجارت ایتمک قویولمشلردی . اک نمادار مشغولیت تجاریه لری ایسه نفوذ ایتدکلی برلرده اسیر اوله رق آله کچوردکلی سیاهیلری خارجه آشروب صامق اولمشیدی . غریبی شوراسیدر که ایلك نقل ایتدکلی اسرای زنجیه فی النای اسارته خادم اولدینی ادعا اولونان بویوک خرستیان مقام روحانینک بر پوست نشینته یعنی پایا بشنجی (مارتن) ه هدیہ ایتمشلردی [۱] اون بشنجی قرنک صوکلرینه طوغری پورتکیز سیاح بحریمی مشهور (واسقوداگاما) شرقه طوغری برامل کشف ایله اجرا ایله دیکی سفر لر صیره سنده آفریقانک شرق ساحلاری بوینده تأسیس حاکمیت ایتمش اولان اوفاق عرب امراسندن دخی برلر

[۱] بورئیس روحانی ۱۴۱۷ ایله ۱۴۳۱ سنه لری آره سنده قتولیک عالنک مقدس کرسینی

اشغال ایتشدی .

السیات مجموعه سی صابی ۴

ضبط ایله مشدی . بویهجه پورتگیزیلر آفریقا سواحلنده کاش اراضی واسعه بی اله کچوروب کیتدکلی صیره لرده پورتگیزی قرالغنگ اقبالی زواله یوز طوموشیدی . اون آلتنجی قرنک صوکلرینه طوغری دیگر بعض آوروپالیلر دخی بومسلك استملا که امثالاً آفریقاده اراضی اله کچورمکه باشلادیلر . پورتگیزی مسلك استملا کنه ابتدا امثال ایدنلر صره سیله انکلتره ، هولاندا ، فرانسه درلر . آوروپالی مستولیلر کیت کیده آفریقاده یالکیز ریلردن دکل بربرلردن بیله اراضی غصب واستملا کنه قویولدیلر . آوروپانک آفریقا اوزرینه اولان بوتضیق متحکمانه سی زمان مرور ایندکجه آرتوب کیدیوردی . پورتگیزی وهولاندا کی اسکی مستملکجه دولتلك لرینی باشقه لری طوتیورلردی . اوتهدن بری آفریقاده دیکش ضوتدیره بیلن و کیتدکجه اطرافه کوك سالان مستملکجه دولتلك باشلیجه لری انکلتره ایله فرانسه در . پیدای مستلکات ایچون صوکرده دن اورتیه آیتلانلر بلجیقا ، ایتالیا وبالخاصه آلمانیا دولتلیدر . لکن آلمانیا - عمومی حربک تسایح مغلوبیتندن اوله رق آفریقاده کی مستملکاتی دخی دول رقیبه قاید برمشدر .

آوروپانک مستملکاتی دولتلینک یالکیز ریلردن دکل بربرلردن دخی آفریقا حالکی ضبط ایتمکه اوغراشه کلدکلرینه براز یوقاریده اشارنده بولونمش ایدک . انقراض بولان عثمانلی ایمبراطورلغنگ شمالی آفریقاده یا طوغریدن طوغرییه ویا مختاریت محلیه صورتنده اوله رق حاکمیتی آلتنده بولوندیرمش اولدینی اجزای ممالک دخی او آوروپالی مستملکاتیلرک ایله ری کلنلری طرفلردن یا زورله ویا خدعه سیاسیة اعمال واجراسی صورتیه برر اله کچورلمشیدی . فرانسه ایله انکلتره طرفندن اون طوقوزنجی قرن میلادی ایچنده وایتالیا طرفندن قرن حاضرک بدایتندن براز صوکره اله کچورلمش اولان جزایر ، تونس ، مصر ، طرابلس غرب ، بنغازی کبی یلرک حکایات افتراقه لری خاطر لرده یک اسکی اولمه دیغندن اوباده ایضاحات ویرمکه حاجت یوقدر . ساقط عثمانلی ایمبراطورلغنگ آفریقاده حاکمیتی آلتنده بولوندیرمش اولدینی یلر علی الاطلاق تورک قومیتی ایچون فواید قدرت کتورمه مشدر ؛ بالعکس تورکک اورالرده یلرلمش اولان افرادندن برخیلمسنگ ریللره قاریشوب اصلیتدن تبعاد ایتدکلرینه شاهد اولمشدر . تورککله قلباً مربوطیتی قالسایان ولسان اجداددن برکله بیله بیلیمین فقط تورک احفادندن بولوندکلرینه دائر عنفات تاریخیه موجود اولان برخیلی افراده مصردن فاس حدودینه قدر اولان آفریقا اراضیسنگ قصبه لرنده تصادف ایدیور .

بونجه زمانلردر آفریقانك ساحل وداخلنده اجرای حاکمیت ایدن آوروپالیر یریلرک اصلیتلری اوزرنده حس اولونور درجه ده بر تأثیر عرقی حصوله کتوره مه مشلدر . واقعا سیاهی قادیئلرینی جسمک هوس حیوانیسی ارضا ایچون نامشروع صورتده قوللایق آنلری قانونی صورتده تحت نکاحه آلمق درجه سنده مستملکه جیلرک ضرور حاکمانه لرینی صارصا مشدر . لکن اولاد زنانک اوتوده بروده ظهوری هیچ بریده اهمیتلی صورتده ملز جماعت تکوتی انتاج ایتمه مش ویالکز فرنگک اویولده کی تماس تناسلیه می فرنگی علتنک توسعه سبیت ویرمشدر . آوروپالی مستملکاتجیلرک آفریقاده کی استیلالری اقوام اسلامیه حاکمیتک محاسنی دائماً برهدف سیاسی اتخاذ ایتشد . مع هذا افرنج نفوذی اسلامیتک بتپرست یریلر آره سنده کی استعداد توسعه برچوق یرلرده مانعه تشکیل ایده مه مشدر . یالکز غربی آفریقانک وسطنده کی بعض ممالک ساحلیه ایله شرقی آفریقانک (اوغاندا) کی برقاچ جهتنده نفوذ نصرانیت ، انتشار اسلامیه جدی عارضه لر احداثی موجب اولشد .

یناء علی ذلک آفریقانک آوروپالیر مواجهه سنده کی بالاوه مصرح وضعیتندن طولانی حقیقتاً مستقل اوله رق هیچ بر مسلمان (ملت) بقایه مظهر اوله مامش و بونجه آفریقالی مسلمانلر ایچنده بعض احزاب بشریه « قوم » عنوانی آلتنده اهمیتله تلقی به شایان برهویت اثبات ایده بیلمشدر . ایشته بزبوراده بومسلمان قوملرک وضعیتلرینی اُتوغرافیا نقطه نظرندن ملاحظه ایده جکر .

فہیل ظالم

